

J.P. „VODOVOD I KANALIZACIJA“ D.O.O.
KISELJAK

Kraljice Mira 50, 71250 Kiseljak

Tel. +387 30 879 129 ; tel/fax. +387 879 127

Transakcijski račun 3383402249924311 UniCredit Bank d.d.
PDV broj: 236528970000 Identifikacijski broj: 4236528970000

MBS: 51-01-0056-11 Općinski sud u Travniku

Broj:273/19

Datum:08.03.2019.godine

Na osnovu člana 69.stav 2 točka d, člana 70 i člana 100 Zakona o javnim nabavkama (Službeni glasnik BiH broj 39/14) rješavajući o žalbi ponuđača Hifa petrol d.o.o.Sarajevo izjavljenu na Odluku o izboru najpovoljnijeg ponuđača br. 208/19 od 22.02.2019.godine u otvorenom postupku za javnu nabavku roba-Pogonsko gorivo za 2019. godinu, direktor društva, na preporuku Komisije za javne nabavke imenovane Odlukom br. 659/15 od 25.09.2015.godine donosi;

ODLUKA O PONIŠTENJU POSTUPKA JAVNE NABAVKE

Članak 1.

Poništava se postupak javne nabavke Pogonsko gorivo za 2019.godinu iz razloga što nijedna od primljenih ponuda nije prihvatljiva-član 69.stav (2) točka d) Zakona o javnim nabavkama.

Članak 2.

Za izvršenje ove odluke zadužuje se i ovlašćuje Referent za javne nabavke.

Članak 3.

Ova odluka objavit će se na web stranici www.vik-kiseljak.com istovremeno sa upućivanjem ponuđačima koji su učestovali u postupku javne nabavke, u skladu sa člankom 70. Stav (6) Zakona o javnim nabavkama.

Članak 4.

Ova odluka stupa na snagu danom donošenja i dostavlja se svim ponuđačima koji su učestovali u postupku javne nabavke, u skladu sa člankom 71.stav (2) zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj 033/19 od 15.01.2019.godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 60.000,00 KM.

Obavještenje o nabavci broj 784-1-1-1-3-1/19 poslano je na objavljivanje dana 15.01.2019.godine, a objavljeno je na Portalu javnih nabavki dana 15.01.2019.godine

Komisija za javnu nabavku imenovana je Odlukom broj 659/15 od 25.09.2015. godine.

Iz Zapisnika ocjeni ponuda br.197/19 od 20.02.2019.godine utvrđeno je da je Komisija za javnu nabavku dana 15.02.2019.godine sa početkom u 12:00 sati izvršila javno otvaranje blagovremeno pristiglih ponuda sljedećih ponuđača:

Hifa Petrol d.o.o.Sarajevo;

HOLDINA d.o.o.Sarajevo;

BM COMMERCE d.o.o.Kiseljak.

Nakon pregleda gore navedenih ponuda Komisija za javne nabavke je ocijenila da je ponuda ponuđača „BM- COMMERCE“d.o.o.Kiseljak najpovoljnija ponuda .

Na osnovu preporuke Komisije za javnu nabavku br. 198/19 od 20.02.2019.godine donesena je Odluka o izboru najpovoljnijeg ponuđača br. 208/19 od 22.02.2019. godine. Kao najpovoljniji ponuđač izabran je BM COMMERCE d.o.o.Kiseljak.

Odluka o izboru najpovoljnijeg ponuđača broj 208/19 je u zakonom predviđeno roku dostavljena ponuđačima koji su učestovali u postupku javne nabavke zajedno sa zapisnikom o ocjeni ponuda.

Ponuđač Hifa Petrol d.o.o.Sarajevo obratio se ugovornom organu sa zahtjevom za uvid u tendersku dokumentaciju. Istom zahtjevu ugovorni organ je udovoljio u skladu sa Zakonom o javnim nabavkama te je dana 28.02.2019.godine izvršen uvid u tendersku dokumentaciju od strane Hifa Petrol d.o.o.Sarajevo.

Nakon obavljenog uvida u tendersku dokumentaciju ponuđač Hifa Petrol d.o.o.Sarajevo je uložio žalbu na odluku br. 208/19 od 22.02.2019.godine.

Prije nego se upustio u meritorno odlučivanje po izjavljenoj žalbi ugovorni organ je pristupio provjeri formalno pravnih pretpostavki za ulaganje žalbi a koje moraju biti ispunjene na strani žalitelja kako bi se uopće pristupio njenom rješavanju, te je utvrdio da je ista izjavljena blagovremeno, dopušteno i od strane ovlaštenog lica zbog čega je moguće dalje postupati po njoj.

U svojoj žalbi ponuđač Hifa petrol d.o.o.Sarajevo navodi:

Da ponuđač BM COMMERCE d.o.o.Kiseljak nije postupio u skladu sa izmjenom i dopunom tenderske dokumentacije br. 068/19 od 25.01.2019. , te da isti nije dostavio dokaz da aktivan račun broj 3380604810013053 nije bio blokiran u zadnji 6 mjeseci, a što je bio obavezan.

Dalje navodi da je ponuđač BM COMMERCE d.o.o.Kiseljak dostavio samo certifikat o kvalitetu i kvantitetu bez uvjerenja iako je to traženo tenderskom dokumentacijom

Navodi i da je certifikat o kvalitetu dostavljen na engleskom jeziku te da nije dostavljen prijevod istog.

Kad je u pitanju ponuđač Holdina d.o.o.Sarajevo isti navodi da također nije dostavio uvjerenje o kvaliteti, nego samo certifikat.

Također ističe da je ponuđač dostavio rješenje o izmjenama podataka iz sudskog registra, a ne Aktuelni izvod iz sudskog registra, kako je to traženo dokumentacijom.

Na kraju navodi da ponuđač Holdina d.o.o. Sarajevo nije na pravilan način popunio Obrazac za operativne troškove, odnosno popunio je isti na način da je u formuli naveo jediničnu cijenu bez PDV-a, a u istu je trebalo uračunati PDV.

Postupajući po žalbi, Komisija za javne nabavke je izvršila ponovni uvid u zaprimljene ponude te utvrdila sljedeće činjenice:

-Odluka o izboru najpovoljnijeg ponuđača donesena je na osnovu nepotpuno utvrđenog činjeničnog stanja;

-Niti jedna od dostavljenih ponuda ne ispunjava uslove iz tenderske dokumentacije;

Što se tiče navoda žalbe koji se odnose na ponuđača BM COMMERCE d.o.o.Kiseljak osnovanim smatramo samo onaj navod koji se odnosi na nedostatak potvrde komercijalne banke da aktivan račun nije bio blokiran u zadnjih 6 mjeseci.

Što se tiče navoda žalbe o ponuđaču HOLDINA d.o.o.Sarajevo osnovanim smatramo samo onaj koji se odnosi na popunjavanje obrazca operativnih troškova.

Komisija za javne nabavke je izvršila i ponovni uvid u ponudu ponuđača Hifa petrol te konstatovala da je na Obrascu o promjeni cijena i marži u maloprodaji kao adresa prodajnog objekta navedena Visoko, Muhašinovići bb, a da u istom obrascu nije navedena pumpa koja se nalazi u mjestu Gromiljak čiju je udaljenost ponuđač koristio u popunjavanju obrasca za operativne troškove, te se stoga navedeni obrazac ne može smatrati vjerodostojnim.

Slijedom navedenog, ugovorni organ je na preporuku Komisije za javnu nabavku žalbu ponuđača cijenio kao djelomično osnovanu , a kako je ponovnim uvidom u sve ponude utvrdio da su iste neprihvatljive za ugovorni organ u smislu člana 69 stav 2

točka d, to je ugovorni organ na osnovu člana 100 stav 3 Zakona o javnim nabavkama donio odluku kao u dispozitivu.



Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem ugovornog organa u roku od 10 dana od dana prijema odluke.